



Synfocity = 697

mail us at : mzsynfo@gmail.com; mizoramsynod@gmail.com - Phone - 2314648

August 9, 2018

- ☐ Zosap Pu Robert-a sunna hun hman a ni dawn**
 Aug. 13, 2018 (Thawhtanni) chawhnu dar 3 hian Presbyterian Kohhran Zosap-te zinga mi, Pu Robert-a (Rev. Dr. Alwyn Roberts) kum 84 chu Mission Veng Kohhran Biak Inah sunna hun hman a ni ang. Sunna inkhawm hi Rev. Lalzuithanga, Ex-Moderator-in a kaihruai ang a, Rev. R. Vanlalnghaka, Mizoram Synod Secretary Junior leh Pachhunga University College aiawhin Upa Dr. Tawnenga ten Rev. Alwyn Robert-a chanchin an sawi ang a, inkhawm hruaitu Rev. Lalzuithangan thuchah a sawi ang. Rev. H. Remthanga, Finance Officer-in tawngtaina hun hmangin Rev. R. Lalnuntluanga, Synod Statistician-in malsawmnain inkhawm a tin ang. Pu Robert-a sunna hunah hian Mizoram Synod Choir te an zai bawk ang.
 Pu Robert-a hi cancer natna avangin August 1, 2018 zing 2 (India ramah zing dar 6:30) khan Bangor Hospital-ah a boral a. A vui inkhawm hi August 13, 2018 (Thawhtanni) chawhnu dar 1:00 (kan ramah tlai dar 5:30)-ah a lawina kohhran Berea Newydd Chapel, Bangor-ah neih a ni ang.
- ☐ Finance Deptt.**
 Aug. 11 & 12, 2018 chhung hian Lunglei Bazar Bialah Finance Campaign nei turin Upa P.C Vanlalrova, Synod Office leh Campaigner te - Rev. K. Lalhmuchhuaka leh Upa Ramtharngbaka te an kal ang.
- ☐ Education**
 Aug. 8 - 10, 2018 chhung hian Sakawrdai leh Khawruhlian tlangdunga PES School sawmpathum(13) tlawhin Pu P.C Vanlalhruaia, Supervisor of Schools a kal.
- ☐ SL&PB**
 Aug. 6, 2018 (Thawhtanni) zan khan Chaltlang Branch KTP inkhawmah Literature Night hman a ni a, Rev. Dr. C. Chawngmingliana, Editor, SL&PB leh One in Christ te an kal a ni.
- ☐ Worship Deptt.**
 Aug. 4, 2018 (Inrinni) khan Sairangah Zaihruai training neihpuuin Tv. H. Lalthazuala, Instructor leh Tv. Laltlansanga, Chanmari West te an kal.
- ☐ Kohhran Hmeichhia**

 - ♦ Aug. 11 & 12, 2018 chhung hian Guwahati Bialah Leadership leh Kristian Chhungkaw Campaign neih a ni dawn a, Pi Rothangliani leh Pi R. Vanlalruati Committee Member-te an kal ang.
 - ♦ Aug. 11 & 12, 2018 chhung hian Sateek Bialah Leadership leh Kristian Chhungkaw Campaign neih a ni dawn a, Pi Denghmingliani, Pi F. Lalsangmawii leh Pi Lalsangliani Committee Member-te an kal ang.
 - ♦ Aug. 11, 2018 (Inrinni) hian Women Centre, Phunchawnga zirlaite kutchhuak chu Synod Office compound-ah zawrh tura hmalak mek a ni.
- ☐ Revival Deptt.**
 Aug 7 - 12, 2018 chhung hian Revival Dept hmalaknain Hunthar Pastor Bial huam chhunga Kohhran pathumah riahchilhin Home Crusade neih a ni a, Synod Revival Team 7 kalin group 3-ah inthenin Home Crusade hi neih a ni.
- ☐ Synod-in chhawmdawlina pe**
 Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tualcheng	Damlo	3	Rs. 24,000/-
2.	Zamuang	Damlo	1	Rs. 8,000/-
3.	W. Lungdar Hmarveng	Damlo	1	Rs. 8,000/-
4.	New Sechhip	Damlo	1	Rs. 8,000/-
			TOTAL	Rs. 48,000/-

July thla chhunga Synod Relief Fund atanga chhawmdawlina pek dan hetiang hi a ni.

Leimin tuar	Rs. 34,000/-
Damlo	Rs. 32,000/-
Kangmei tuar	Rs. 22,000/-
TOTAL	Rs.88,000/-

Financial Year 2018 - 2019 kal meka Synod relief fund a tanga tanpuina April - July thlenga sem ral tawh zat chu Rs. 9,18,000/- a ni.

Contd..

- ❑ **Synod Social Front**
Aug. 11 & 12, 2018 chung hian Tuikual Bialah Political Education Campaign neih a ni dawn a, Campaigner-te Rev. Vanlalrova Khiangte, Rev. Dr. LH Rawsea leh Upa F. Lalremthanga te an kal ang.
- ❑ **Campus Ministry**
Aug. 2, 2018 (Ningani) khan Govt. Aizawl West College-ah hun an hmang a. Tv. Lalhmunzauva Tlau, Counsellor-in hun hmangin Paula'n Rom mite a fuihna thu 'Lo danglam zawk tawh rawh u' tih hmangin Bible study a neihpui a. Aug. 7, 2018 (Thawhlehi) khan Apollo School of Nursing-ah hun an hmang leh a. Counsellor Tv. Lalhmunzauva Tlau-in 'Kristian Nun Dan Tha' chungchang a sawi a ni.
- ❑ **Prison Ministry**
Aug. 10, 2018 (Zirtawpni) hian Mamit District Jail tlawh turin Prison Ministry Committee member te Mamitah an kal ang a. Aug. 12, 2018 (Pathianni) hian District Jail, Armed Vengah hun an hmang ang a, Rev. R. Lalvulluaia, i/c Prison Ministry a kal ang.
- ❑ **Zin**
 - ♦ Aug. 8 - 15, 2018 chung hian Tahan-ah Synod Rorel bawhzuiin Rev. Lalramliana Pachuau, Senior Executive Secretary, Rev. B. Sangthanga, Executive Secretary leh Upa R. Dengzikpua, Synod Secretary (Sr.) te an kal.
 - ♦ Aug. 12, 2018 hian Bilkhawthlirah Pastor Induction nei turin Rev. P.C Pachhunga, Executive Secretary a kal ang.
- ❑ **Hruaina Eng FM Radio**
 - ♦ **AUGUST 10, 2018 (FM Zoawi Aizawl & FM Lunglei @ 7:30 p.m.):**
Solo : Cindy Lalthanpuii - A Mawi ber, Zaipawl : Dawrpui Bial Zaipawl - Ka Lalpa duhtak min awmpui ang che, Thusawi : Dr. C. Lalhmingliana - Pumpui na, Solo : Zorinsanga - Min hual reng thin, Zaipawl : Mizoram Synod Choir - Min hruainaah chuan ka kal ang, Solo : R. Lalrinmawii - Kraws-ah khan
- ❑ **Hruaina Eng TV Programme**
Susamachar Prasaran Programme
 - ♦ **AUGUST 12, 2018 (Pathianni) 5:00 pm. :**
Group/Choir/Solo : Koilamati Pastorate Choir - Ili sangjoi, Group/Choir/Solo : Durtlang Masihi Sangati - Laher, Sermon : Rev. Laltharzuala - Sansar se Prem na karo, Group/Choir/Solo : Luangmual Vengthlang - Tumhara Mann Biakul Na Ho, Group/Choir/Solo : Siyon Swaram - Tere Charno
 - ♦ **AUGUST 12, 2018 (Tv Programme) @ 4:00 - 6:00, 8:00 - 9:00 p.m) :**
Weekly Round Up, Sermon : Rev. Lalsangbera - Thuawihna, Missionary Interview - Tripura, Jharkhand & Barak Area

SYNFO PRAISE ON 2018 CHUNGCHANG HRIATTIRNA

Praise On 2018 hi Kristian Thalai Pawl Bial/Branch behchhanin Beat Group Intihiakna anga kalpui tur a ni a. A kalphung tur hetiang hi a ni:

a) TEL DAN TUR :

- 1) Kristian Thalai Pawl (KTP) Branch emaw Bial emaw aiawh tur Beat Group 2 aia tam lo an tel thei ang.
- 2) Beat Group pakhat-ah member 6 aia tam lo an awm thei ang.
- 3) A tel turte chu KTP Member, Kohhran dan chungang awm, rawngbawlinaa hman chhonzawm theih tur ni se.

b) ROUND AWM DAN TUR :

1) Round 3 a awm dawn a, Round 1-ah hian Group tinin minute 10 aia rei lo hun an nei ang a; hei hian instruments siam rem chung leh an zai zawh hun thlang a huam ang.

c) INSTRUMENTS :

1) Tingtang (Guitars), Keyboard leh Drums te chhawp sa a ni dawn a. Guitar leh Keyboard hi mahni ta hmang duh tan a hman theih bawk ang.

d) A hun leh hmun

- 1) Hming pek luh hun hnung : September 7, 2018 thlang.
- 2) 1st Round : September 18-21, 2018 (Chhun lam)
- 2nd Round : October 16-19, 2018
- Final Round : November 6-9, 2018

e) A hmun : 1st Round hi Synfo Studio-a neih tura ruahman a ni a. A bak hi chu la ngaihtuah leh tura dah a ni. Synfo Praise On 2018 Intihiakna kalphung tur hriattirna hi Kristian Thalai Pawl Bial leh Branch hrang hrangah thawn chhuah mek a ni.